

نسخه سی
۵ غروش
پوسته اجرتی
۳۰ پاره در

تول کینیا کلوزی
استانبول

سنه ۱۰۰۰
۵۰ غروش
پوسته اجرتی
۱۰ غروش در

شهر امانتی محمد علی

شهر امانتی طرفندره آبدیه بر شهر اولنور

عمرانی، ر، قسیم

- ۶ -

استانبولك اعمار و تربیتی

استانبولك اعماری مسئله سنده ایکی مهم نقطه نظر دقت آلمی در .

۱ - اقتصادی - ۲ - عمرانی .

اقتصادی جهتی ، بالخاصه بوتاریخی بلدی زیارت ایده جک سیاحین اجنبیه بورایه ورودلرنده ، بوراده بولدقلری مدتجه استراحت و تنزهلری تأمین ایده جک اسباب و وسائلک استکماله معطوف و متوجهدر .

چونکه ، تجارب و مشاهدات کثیره ایله ثابت اولمشدرکه سیاحین بورایه ورودلرنده ، واپوردن قرهیه آیاق باصنجهیه وریختمدن اولته کیدنجیه قدر بولیس ، پاساپورط ، کومرک و وسائل نقلیه مسائله بیک درلومزاحم و مشکلاته دوچار اولمقده درلر . بریولجی نك واپوردن نازل اوله جی اولته قدر مختلف مصارف نقلیه اوله رق آلتش لیرا؟! تأدیسه نه مجبور اولدیغنی سوبیلرسم مبالغیه حمل ایدلسون . کینلرده ، مؤسسلری میانده بولدیفغ تورک سیاحین جمعیتک بر اجناعنده حاضر بولمش اولان اجنبی واپور شرکتری مثلارینک بیانات و شکایاتی بوارقامی حقیقت اوله رق کوستر مکده در .

بوطاقتسوز کلفت و مزاحم اذهان عمومی ده بر اقدی ناخوش تأثر لیرایسه تأویل و تفسیره مساعد اولمقدن باشقه هر کون مطلوبات ستونلرنده او قودیفغز شکایت آمیز مقاله لرده واقعه بی تأمین ایده جک ماهیته در .

بناء علیه ، اعصار میدیده دبیری مغبوط عالم اولان استانبولموزک اقتصادیات و امنیت سوء تأثیر ایدن بوحالک ازاله سی مملکتک منفعتی اقتضاسنددر . اول باول بوکی سوء استعمالاتک اوکته کچلمی در . علمه ، تجربهیه مستد اولسی لازم کلن تدابیرک تأمل و اتخاذی ایسه هرشیدن

اول متخصص ذواتک انضمام رأی ایله اولور . مستغنی کلفه ایضا حدرکه ، برملکتک اقتصاداً و عمراناً انکشافی هرشیدن اول افکار عمومیده استقرار ایده جک امنیت و اعتماد ایله حاصل اولور . بوجهت تأمین ایدلدیکه ، برملکتک اسباب و وسائل کونا کون ذوق و صفایله سرتاپا مجهز اولسه مطلوب حاصل اولمز ؛ وصنی ، جبری تدبیرله فائده متصوره تأمین ایدیه مز .

موقعا بک مهم و مستثنا بلده لرك اقتصاداً و عمراناً انکشاف ایدمه مسی هپ بوکی اسباب و عواملدن ایلری لککده در . تاریخنده بوکانه اثر بر جوق مثال و براین واردر . بونکچون مملکتک بوکونکی حالتی دکل آتیا اکتساب ایدجهکی صناعی و تجاری انکشافی تأمل ایتمک ارباب عقل و تجربه ایچون بروطفه مبرمه در .

اول باول لیان مسئله سی حل اولغلی در . چونکه لیانک واکا مربوط بولان کومروک معاملاتک الیوم عرض ایلدیکی صفحات هر کسک کوزی اوکنده در .

عمران و تربین جهته کلنجه : بوده اقتصادیانک درجه انکشافیه لک زیاده علاقه داردر . و برینه صقی صقی به مربوط اولوب ، بری دیگرینک لازم غیرمقاریدر . بو برحقیتدرکه مشهودات و تجاربه مستددر . بونکچون ، عمران و تربین جهتی دوشونولورکن بو مهم و حیاتی نقطه بی دائماً در پیش ایتمی در .

شهر مزک مسلمانلره مسکون علائنده مشهود اولان حال بومسئله نك عبرت آمیز بر صفحه سنی عرض ایدر سراچخانه باشند فائحه طوغری آچیلان اوتوز متره لک جاده نك طرفینه پیدرپی یاپیلان اوصره دکانلره انعطاف

كثيريلرسه ، بونك حالادىخى تاريخ عالمدهكى موقعى
حقده برفكر حاصل ايديله بيلير .

لطافت طبعيه ، دست اهتمامكار عمران و ظرافت ده
انضمام ايدرسه ، بوشهر قديمأ حائر اولدينى شرفى ينه محافظه
ايدر . آثار اجنبيهك اعترافات حقكويانه لرينه استنادأ شونى ده
عرض ايديم كه : ميلادك (۱۲۰۴) سنه سنده بولده
دلارناك اوزرينه برسيل مصيبت كې چوكن دردنخى
اهل صليڪ ، آثار منقوله وغير منقوله لرجه بوراده
ياديني تحريات شنيعه بوشهرك خزان مكنوزه
ومكشوفه سنى نصف نصفه تزييل ايتش ، مقدسه
اعظم و اكابر مزارلرينه قدر اوزاديلان دست تجاوز
انسانيتك يوزنى قيزارنه چق درجه وماهيه چقمشدر .
بو حقايقه واقف اوليانلر ، استانبولك عثمانى توركلرى
دورينه انتقال ايتديكى زماندهكى فقيرلكنى هپ بزه اسناد
ايدرك بزم (واندال ذهيتلى برقوم) اولدينمىزى اعلان
ايديرولر .

فضيلت قلميه دن محروم اولان بوغرضكارلره ،
بوندن درت بش سنه اول شهر بزمه كنن آمريقا هيئى
ميانده مملكتمزك چدى مجلرندن پروفيسور (لايباهر) ك
۱۹۱۶ سنه سنده آمريقا تاريخ جمعيتى حضورنده استانبوله
دائر و يروب آمريقا حكومتى مطبعه سنده طبع ونشر
ايديلن (سلطان سليمان قانونى زمانده تورك حكومتى)
عنوانلى قوفرانس حقيقه لرنيك مطالعه سنى توصيه ايدرم
استانبولك قوجه فاتحك اله خرابه لرله طولو برارچه
طوراق حالنده كچيديكى افاده ايدن سطرلر باخاصه جالب
دقتدر . بوراده آثار عمران نامه نه كوريسورسك ، هپ
اسلاف واجدادك آبيارى همت و عنايتله حصوله لكشدر .
فقط كال تأسفله شونى ده تكرار ايدرم كه ، عصرلرك
بوراده تكشيف ايلديكى حوله عرفان ومدنيق بز ،
مختلف وسيله لرله مقيادأ سيلور ، يتيوروز . بوصورته
بورادهكى موجوديت ساقه و قديمه مركز شواهد و برهيني
كندى المزه بالاطالايوروز .

تاريخه ، صناعت نفيسه و بديعانه مجلوب و بونلره

ايدن نظرلر ، شهر مركز الكزياده انكشافه مستعد اولان
بومنطقه سنك اقتصاديانى حقده بزه صريح برفكر و بره سيلور .
بومنطقه بهشت آسا پارقلر ، حديقلر ، معظم ابدلر
انشا ايديرمكه اقتصاديات محليه يني يوكستمش اولماز .
ديمك كه ، عمران ه حاكم اولان ثروت ، تعبير معروفيله
اقتصادياندر . هنربونى يوكستمكندر .

عمران و تزيين خصوصنده عصرلرك يامامدينى ،
ويا خود قانون تدريجى قاعده سنه توفيقأ تدريجأ ياديني
بويوك ايشلرى ، نسبه محدود زمانه سيفدريمغه چالشقم
تشبثانده اكثريا موقعيتسزلكى انتاج ايدر .

چونكه ، بومسئله ده اجرائى نفوذ ايدن اسباب
و تاثيرات و عوامل او قدر چوقدر كه ، صنئى وزوراكى
وموقت تدبير لايه ازاله سى ممكن دكلدر .

برملككتك وضعت جوغرافيه و طوبوغرافيه سى ،
احتياجات و امتيازات طبعيه و مبرمه سى ، سكه سنك
تمايلات اخلاقه و اجتماعيلرى تاريخك حاكميتى كې
احوال و مؤثرات دائما نظردفته اله رق جيزيلن خطله
اومؤثراتك الجاآت و ضروريانته - تجربه يه مستند اولمق
شرطيله - توفيق حركت ايدلمزسه بوبابده مصروف
اوله چق امكلر بپوده اولور .

استانبول ، بزدن اولكى زمانلرده ، عثمانى توركلرى
دورنده خصوصيت موقعيه و بديع سنى يك اهميتسز استانبولره
دائما محافظه ايدمكش ، و تاريخ تأسيسى اولان قبل الميلاد
(۶۵۷) سنه سندن و شرقى روما ايمپراطورلنك يانخى
اولمق شرفى احراز ايلديكى بعد الميلاد (۳۳۰) تاريخند نبرى
خصوصيت و استنائيت موضعيه سنه متعدد دفعه اوريلان
ضربه لره ، تجاوزات و تحريباته رغمأ بين الملل محافل علم
و عرفان زنده كى بوسك موقعى دائما محافظه ايدمكشدر .
عثمانلى توركلرينك (اسلامبول) ي اسلافك
(قسطنطينيه) سى هيئت عموميه و وضعت طبعيه سى اعتباريله
كره ارضك لك معلا و مستثنا بربلده سى ايدى . كنديسنه
كوره برشخصيتى ، برمتازيتى واردى . بولده قديمك
تاريخندن باحث اثرلرك قيمت و كثرى كوز اوكنه

خور، چوقور چشمه، یدی قله، امیر اخور، خاصی،
قره کوی، معجونچی، کوچوک، بویوک قوغه جیبلر
حماملری مهندس شریدی سیاسته قربان اولان آثار عمران
وشفتدن ایدی.

اعمار مسئله مهمه سنده شهرک وضعیت طوبوغرافیه
وقیمت بدیعیه سنک بالخاصه نظردقت اوکنده بولندیرلسی
لرومنی یوقاروده سولش ایدک.

مسئله نی یالکزمهندس کوزیه کورمک واولنک تعیین واره
ایده جکی طریق تعقیب ایتمک طوغری برشی اولمقدن
باشقه، شهرمزکی تاریخی بربلده ایچون تلافیسی ناقابل
برفلاکت بلدیهدر.

بومسئله نی تاریخی، وبردعیات متخصصی کوزیه
تدقیق ایتمک لازمدر. اوروپانک تاریخی بلده لری
تنظیم ایدن متخصصلرک محصله افکاری هب بومرکزده
اولدیفنی شهریمزی آره صره زیارت ایدن مشهور شهر
معمارلرینک بیاناتی انبائه کافیدر. ازجمله، وقتیه تورک
- المان دوستلوق یوردینک وضع اساس رسمی مناسبتیه
شهر مزه کئش، ودارالفنون قونفرانس سالوننده، بویوک
شهرلرک صورت اعمارینه دایر برقونفرانس ویرمش اولان
مشهور شهر معماری (هریانشن) استانبولک اعماری
حقده یازمش اولدیفنی برمقاله ده دیورکه: «استانبولک
عمومی منظره سنده عالی بنالر ایله کوچوک اولر آره سنده
قالان فرق انبائه بر عظمت حسی القا ایدیور. ساحلده
برایکی قاتلی ده پولر و تجارتخانه لر وارد. بولنرک فوقده
برقاج صره او کوزه چاریار. اولرک آچاقانی، جامعلرک
ارتقاعنی کوسترمه ک ای برمقیاس تشکیل ایدر.
جامعلر خارچنده، صوک سنه لر ظرفده انشا ایدیلن
بویوک بنالر، مع التأسف عمومی منظره سنک لطافتی
آرتیره حق ماهیتده دکلد.

بوکی بنالر نه قدر چوغالیرسه جامعلرک حصوله
کتیردیکی عظمتی منظره به او قدر خال کلب.
آناجلقله محاط اولان مشیخت دواثری کی منظره ک
عظمتی بوزمادقدن بشقه بالعکس آرتیران بنالرک آذر

حرمشکار اولان ارباب تفکر، استانبولرک مستقنا موقعه
آثار وابدانک عظمت وظرافته قارشى دائما اظهار
حیرت و تقدیر ایده لککده درلر. استانبولرک بدیی
وطبیعی کوزه لککرینه دائر السنه اجنبیه ده منتشر مصور
آثارک کثرت و قیمتی، مطالعاترک اصابتی تأیید ایده جک
درجه ده در.

یالکمز شهر محبتی ایله متحسس اولانلرک فرصت
دوشدکجه بوشهر دلارای تاریخی ده دایر بسط ایتدکلری
مطالعاتدن استفاده ایتمک هر عقل سلیم ایچون بر وجهیهدر.
بعض کتبخانه لری میزی، ازجمله آثار عتیقه موزه سی
کتبخانه سی ترین ایدن آثار و مؤلفات کزیده میاند
استانبولک قیمت واهمیتدن، لطافت و احتشامندن
باحث اثرلرک مطالعه سی بالخاصه علم یولنده یورومک
ایستمن کنجاره توصیه ایدرم.

بناءً علیه:

اعمار وترین مسئله سنده غایت بصیرتکارانه، دور -
اندیشه حرک لازمدر. سائر هر هانکی یکی بر اوروپا
شهری تقلیددن یک اجتناب ایدلمی در. چونکه،
شهریمزک قرق الی سنه ک وقوعات و حوادثی نظر تدقیق
و مطالعه دن کپیره نلر جه رعامعلومدرکه، اومدت ظرفنده
کرک توسیع طریق پهنه سیله، وکرک یانغینلر کی حادثات
مهمه طولایسیله بوطور اقلرده موروث اجداد اولان
نیجه آثار وابدات ملیه صحیفه مدیتمز دن سینمش،
ویرلینه بیکلری اقامه ایدیلهمه مشدر. بوخصوصه برچوق
امثال ایرادی هر زمان قابل اولمغله برابر، قارئین ایچون
موجب کلال اوله جفندن برایکی مثال ارا نه سیله اکتفا
ایدلدی. دیوان یولنده کورولی محمد پاشانک، یارق قوده
کاکئش قره مصطفی وایشیر مصطفی پاشالرک صنعت معماری
نقطه نظرندن شهریمزه شرف و بره جک مکلف تره وسیلاری
ایله بازیدیدانی کوشه سنده کی حسن یک چشمه سی، قوسقه ده
میرمیران حسن پاشا، لاله لی قرینه عباس اغا چشمه
وسیلاری کی عمومک نفعه خادم ابدات ایله بر ضرورت
مدنیته ک احتیاجی تأمین واسطه اولان قزلر اغامی، خور -

اولمی در . فی الحقیقه ، اوروپایک برآصلی بانچه لری کی طبقه طبقه یوکسله یوکسله بویوک شهرلرنده ، علی الخصوص ساحلدن شهرک منظره عمومی سنده کی مدنظر کی قصر و تحید ایتمه مک ایچون دردنجی و قف خان کی ، نسبتندن یوکسلک بنالره مساعده ایدلمدیکی ارباب تدقیقک معلومدر .

بویه معظم و معلابنار ، دهایوکسکارده انشایدلش اولسه ، شهرک منظره عمومی سی Silhouette اعتباریه دها لطیف اولور .

وقف خان حقنده درمیان ایدیلن مطالعات یکی جامع میدانده ، بالی بازار ی و میس اسکله سی ساحلرنده یاپیلان یوکسلک نسبتن بنالر حقنده تمامیه وارددر . استانبول جهتده اراضی ، قارش یقهده اولدینی کی ، بردن بره یوکسلیموب هر یوکسله قسمک ارسنده کوچوک کوچوک بانچه لر ، سدرلر ، میدانلر شکل ایتش اولسنه نظر استانبول جهتده بویه یوکسلک بنالر ، ارقه لریته تصادف ایدن اقسامک منظره عمومی طبیعی سی و اویرلرک طوبوغرافی نقطه نظرندن خصوصیت احوالی ستر و اخلال ایده جکندن جائز کور و لمه مکده در . قارش ی جهتده ایسه ، بو طرفده کی کی ، ساحلر بولنیموب اراضی بردن بره یوکسله یکندن ، یوکسلک بنالرک محذوری بو طرفده کی قدر دکلدر .

برجهت دها نظر دفته آلمغه لایقدر :

معاملات تجاریه و اقتصادی مک اهمیتله جریان ایدلکی محال و موافقهده اول بول استفاده مایه نظر دفته النور سده ، بومیانده مملکتک حیات و حفظ الصحه سنه تعلق ایدن خصوصانکده نظر اهمیتندن دور طو تومامسی ، یعنی استفاده مایه حقنده براز فداکارلای ایدلمسی و بنا علیه شهر مزک طبیعی کوز لکنی ده تأمل ایتک لازم کله چکی شهر مزک بدیعیات طبیعی سیله مشغول اولانلرک جمله مطالعات مصیبه لرندر .

باخصوص شخص معنوی اولان حکومته تعلق ایدن ایشلارده بودقیقه به دها زیاده رعایت ایدلمسی درجه وجودده در . چونکه حکومتلر ، یالکنز مادی جهتلی دکل ، محاسنی و بدیعیاتی ده دوشونمکه مجبوردرلر .

جامعلرک یوکسلککاریه برابر رنگلرینک بیاض اولسی ، اطرافلرنده بویوک آغاچلردن مرکب بریشیل چارچویه بولنسی و بو چارچوونک بویوک بیاض بنالره کوچوک مسکنلر آرسنده برحد فاصل تشکیل ایتمی ده شهرک لطافتی تزیید ایتمکده در .

صوک زمانلرنده خلیج ساحلنده انشا ایدلمکه باشلانان درت ، بش ، حتی آلتی قاتلی تجارت بنالری (حمیدیه تره سی فارشوسنده کی نسبتن دردنجی و قف خان) ، عصرلرک وجوده کتیردیکی لطیف منظره نی اخلال ایتک استعدادینی کورسترمکده در . کورودن باقیلنجه یوبنالرک دامارلیه جامعلرک زمینی برخط اوزرینه دوشر ، ارسنده کی بانچه لی اولردن متشکل موزائیک کوزدن غائب اولوب کیدر . مثلاً سلیمانیه جامعی ساحلده کی تجارت ده بولرینک طامی اوستنده بنا ایدلش کی کورونور . بویه کیدرسه استانبول جهتی ایتکنجی بر (بک اوغلی) اوله جقدر : ... حال بوکه شهر ایچون بر (بک اوغلی) کافیدر !

ساحلده یوکسلک بنالر پاهرق شهرک منظره سی قیامتی فوطوغرافلی آلمسی لازم کلن برطاقم آدمملرک اوزون بویولری اوکه ، قیصه بویولری اولنرک ارقه سنه قویمنغه و یاخود برتیارونک اول صره قولتوقلرینک ارقه سی ایکی متره یوکسلککنده یاپوب ارقهده کی تماشا جیلرک صحنه نی کورمه سنه مانع اولغه بکنزه در .

یاپیلان یوکسلک بنالرک جوازنده باراقه لرله دولوخالی عرصه لر چوقدر . آلتی قاتلی دار بنا رینه ، اوچ قاتلی واسع برنا یاهر برق بک چوق فضله بر مصر فی موجب اولماز . بربرندن صوکره ، جامعلر یاپدیران سلاطین ، اولدن موجود جامعلردن دها یوکسلک و دها هیتلی برنا وجوده کتیرمه کچالیشماش ، محیط ایله دائمامنستکارانه برآهنگ و نسبت محافظه ایتدیرمشدر . معمارلق نقطه نظرندن بک دوشکون بردور اولان زمانمزده اجداد مزک بر اقدیمی مثاللری تقلیددن ای برشی یایامایز ...

معمار (هه ریانسن) ک شو مطالعاتی شهر بحثی ایله متحس اولانلر ایچون اعمار مسئله سنده دستور حرکت

خلیج ساحلک صورت و کیفیت اعمای :
 شهر یزک تاریخ قدیمی مطالعه ایدلرجه رعنا معلومدرکه ،
 بزانسلیلر زماننده ، اجنیلرک تجارتکارلری یالی
 کوشکندن ، اون قبانهدر اولان ساحده ایدی .
 جنوزیلرک تجارتکارلری یالی کوشکی قپوسندن ، باغچه
 قپوسنه ، وندیکولرک مؤسسات اقتصادیلریده باغچه
 قپوسندن تحتقلعه به قدر اولان قسمده وساحده ایدی .
 تحتقلعهده ، رسم پاشا جامع شیرینی قربنده کی (بالقانی)
 وندیکولرک مرکزی ومهم برمؤسسه تجاریلری ایدی .
 قدیمه فعال بر مرکز تجارت اولان بوساحه ،
 تاریخک بر تکرردن عبارت اولدینی حقیقتک بارز
 برتحلیسی اولوق اوزره بوکوندخی شهر مرکز مهم برمنطقه
 تجاریسیدر .

میلادی اونجی عصردن بری بومنطقهده دوام ایدن
 فعالیت تجاریه ، مختلف دورلرک کونا کون انقلابانه
 رغما ، زمانزده دخی قوت و تأثیراتی محافظه ایتمکده
 بولنشدزکه ، بوحال ، قوانین طبیعیهک سیر و جریان
 طبیعیهسی هیچ برمانهک طوردریهجغه دلیل باهردر .
 و قتله ، شهر امین اسبق اسماعیل جانبولات بکک
 تحت ریاستنده اوله رق شهر مرکز تاریخیه ، اقتصادیاتیه
 بدیعیاتیه علاقه دار و متخصص اولان ذواتدن متشکل
 (اعمار بلده) قومیسویننده ادوار تاریخیهک بوتون
 صفحاتی نظردفته آله رق ، مؤسسات تجاریهک سرکجه
 اسکله سندن اعتباراً آیوانسرایه و مقابل جهتندهده
 بالقی بازاری ساحلندن سودلیجه به قدر اولان ساحده
 وجوده کتیریلسی و فقط سرکه جیدن اون قبانهدر
 اولان ساحلده ، موقعک وضعیت طبیعیه و طوغرافیسه
 نظراً ، نسبتسز ، یوکسک بنالره مساعدده ایدلمه سی
 و بورالرده کوچوک تجارتخانه لر و مؤسسه لر انشاسی
 اساسی تصویب و قبول ایدلش ایدی .
 بوزوم بوکونده موجوددر .

امین اوکی - اون قبان ساحتی : الک مهم بر فعالیت
 تجاریه مرکزی اولان امین اوکی - اون قبان ساحتک

توسیبی ، شهر امانتک اقدم وظائفندن اولسه کر کدر .
 مشروطیتی متعاقب ، شهر مرزه تعیین اولتان امینلردن
 هیچ بری بومهم نقطه به عطف نظر اهمیت اجه مشدر .
 یالکز بر اراق شهر امانی معاونلککنده بولنش اولان
 سرائی بکک ، شهر مرکز بومنطقه منعه اند بر توسیع و توسعه
 لایحه سی بولندیغی ، بونک قوه دن فعله جقارلسی
 هم اعمار و هم اقتصاد نقطه سندن موجب فوائد ایدوکنی
 و بولونان صورت تسویه ک امانت و حکومت بار اولیه جق
 بر شکل و ماهیتده اولدیغی ایشتمش ایدم . فوائد و محسناتی
 عندالندقیق تحقق ایستدیکی تقدیرده ، موقع فعله قونولسی
 بک آرزو ایدرز .

شهر یزک طبیعت اراضی اعتباریه منقسم اولدیغی
 طبیعی منطقه لر ایچنده ، وضعیت و منظره نقطه نظرندن
 الک کوزل ، الک بدیی قسمی بوساحل اولدیغندن اعمار
 خصوصنده ایشه ترجیحاً بوجهندن باشلانسی بک موافق
 و مصیدر . زیرا ، بورانک تسویه سی بر طرفندن اقتصاده ،
 دیگر جهندن بدیعیاته خدمت ایده جکی درکاردر .
 کل بوم ، بوکذرکا هده وقوعولان قضالر ، حادثه لر
 نظردقتی جالب بر درجه ده در . فکریمزه قالیرسه ، امانت
 بوتون محصله عزم و همتی بوساحیه توجیه و تکشیف
 ایتیلدر . علی الخصوص ، یکی جامع شریف کی
 تورک معماریسنک حقیقه رشاده اری اولان بر بنای معظم
 و دلارانک ، قرب و اطراف اعتباریه بوکونکی حالی جدأ
 شایان اسف اولغله ، بوتون مخدرات اجنیهده حرمتله ،
 تقدیرله بحث ایدیلن بویه بر اثر بی عدیل حقتده قیمت
 ناشناسلغزدهده نوعماً بر برهان کی تاقی ایدیله یلور .
 بومناسته (۱۶۸۰) تاریخنده یکی جامع اوکک منظره سی
 کوستر بررسی انظار آتباهاه عرض ایدیوروم .

بوساحله یاپیله جق بنالرک شهر مرکز منظره عمومیه سی
 ستر واخلال ایده جک درجهده یعنی نسبتسز یوکسکلکده
 انشا ایتدیرلمه مسنه بالخاصه اعتنا ایدلمسی لازمدر .

هال ، تعبیر تورکیسی ایله قبالی بازار یری : اون قبان
 جوازنده ، کراسته جیلرده ذاتاً موجود سبزه بازارینک

اينيه ايله بوقسملك تلويى هيچ موافق دكلدر . تاس ايتديكم بوتون متفكر اجانب شهرك بوقسملك شوحال پريشانيسه جدا متاسفدلر . و بوتاترلريني كتم ايتيورلر . (۱۸۴۰) سنه سنه عائد خاطر ابدن اوله رق بوقسملك منظره ديبعهمنى كوسترن بر لوحه ني ، انظار تقديره وضع ايدىيورم .

آخورقوبو - سراى برونى منطقه سى . - بومنطقه ، استانبولك حقيقه شاعرايه ، طبعيتدن مشكل الواح كزیده عرض ايدن تاريخى برقسمر . مرمره دن طوغرى كلن انظار مدققين ، هب بوساخله انعطاف ايتكده در شهرك وضعت طوبوغرافيه سنك انجاب ايتديكى ضرورتله انشا ايداش اولان بوساخلك سورلرى تعمير و احيايه محتاجدر . بوسورلر ، شهرك كوزة لككى بوزمدقن باشقه قيمت تاريخچه سنى آرتيرمقده در . على الخصوص ، بوساحل ، يك صيغ اولديغندن ، و قتيله بارام باشانك اثره حقى اولان ريختمك احيا انشاسى بويوك بر ايش دكلدر . بو ريختيم بويجه ، رواقلى غازينولر ، و بلكده منفرد اوتلار انشاسى برطرفدن اعمار ، ديكر جهتدن اقتصاده خادم اولور . آخورقوبوده ايلك خانك نرند بر اول انشاسى بلكده موافقدر . فقط هر حالده ، سر كجى - سراى برونى منطقه سنى طفلى ، مستكره بنالردن تظهير و آزاده قيللى در .

يدى قله نك اهميتى . - استانبولده سياحيك انظار دقت و تماشاسى جلب ايدمك اوقدر چوق آثار ، مباني و مواقع واردر كه ، اهل ولا قيديزدن ، دهاطوغرى سى باقيمسزلق يوزدن فطرتك شهر مزه مبدولا بخش واحسان ايتديكى بوخراش ثروندن مع التاسف استفاده ايدميورز . يالكز استانبولك تاريخده دكل ، بلكه جهان تاريخده كال اهمته نذيق و مطالعه ايديان يدى قله نك وضعت حاضره سى ايتدر . بئرانس تاريخك بوتون صفحانده بر اهميت مخصوصه ايله قيد و ذكر اولان بويوك يالديزلى قومايل انهدام بر حالده در . بوقبولك تعميريه همت اولمازسه ، سقوطى قريبدر . بوسقوط ايله برابر ، يك كسور سله ك بر تاريخك كافه خاطر اتى

بر آزدها بر ييه كترلسى ارباب احتياج ايچون ضرورت حكمنده در . چونكه ، مشهودات روزمره ايله ثابتدر كه ، بورادن اخذ و اعطا ايدنارك قسم اعظمى شهرك شمال شرقى منطقه سندن سلطان احمد ، آياصوفيه ، ديوان بولى ، سر كجى ، امين اوكى سمنلردن كلنار تشكيل ايدىيور . قانع و جوارنده ساكن اولانلر ايسه احتياجلريني فاتحه كي بازاردن تأمين و دفع ايتكده درلر . بوجهتك نظردقه آلتمسى لازمه مصلحتدنر .

سراى برونى - سر كجى منطقه سى . - ادوار ماضيه ده ، شهرك احتياجانه صرف ايدمك اوزره ياقين آناطولى ساحلارندن ، مثلاً ، ازميتدن ، يالودن ، قره مرسلدن هر كدن ، پندكدن كتريلان سبزه وساير لوازم ضروريه اوراده كي برقلدن طولايى ، اونه نيوس قوبسى Porta Eugenie ديدكلرى يالى كوشكى قپوسنه كتريلوردى . بومعامله زمانمزده ، سر كجى ، و امين اوكى اسكلسه انتقال ايتمدر .

ديمك اوليوركه ، بوحوالى بيك كسور سبه اول حائر اولدينى اهميتى هيچ بر زمان غائب ايتممش ، تبديل موقع ايتنه رغما او اهميتى حالا محافظه ايدكشدر . انجق بوحوالينك ، ادوار ماضيه ده كي احتياجانك محل جريائى اسكى موقعده براقق بالعمل قابل اولهميه . جفندن ، سر كجيدن يالى كوشكى اسكلسه قدر اولان ساحل قسملك باشقه صورتله اعمار و تزيينه جاليشملى در . قرق ، قرق بش سبه اول بوقسم ، جوار سكه اسلاميه سنك اقساملى محل تنزه و استراحتلى ايدى . بونى پلنلر زمانمزده هنوز موجود و بر حياتدر . بناء عليه ، بوراده كي طفلى بنالرك حدم و رفقى ايله ساحل بويجه بر ريختيم انشاسى ، و منتظم غازينولر ياپديرلهر رق خلقك تأمين استراحتى اعمار پروغرامنك اساسى تشكيل ايتملى در .

قزقوله سى اطرافه باغچه انشاسى تكليف غرايت اشتاملى ايسه ، بوسبتون بر اعجوبه تصوردر . بوساحل ، استانبولك بدئى برقسمنى تشكيل ايتديكته نظراً ، ارزاق انبارى ، اودون ده بوسى ، دمير انبارى كې

تسهیل ایددجك برحاله وضعی طلب و نیاز ایتمشلاردی
فی الحقیقه ، استانبولك عجائب مصنوعاتندن عد ایدلمكه
لایق اولان بور ، امشالی آثارقدیمه کی مزخرفات ایله
طولش وایچریسنه کیرمك عادتا تهلمکی بروضیت المشدرد.
بك آركسمك خبرداراولدینی بومهم موقعك زیارتهمساعد
برحاله وضعی استانبوله سیاح جلب ایددجك اسباب
وسواتقدن کوریرم.

لاله لی صیرتاری . — اسکی بیزانس تقسیمات
بلدیه سنده مهم آناری محتوی اولان لاله لی موقعی شهرك
اعماری اندیشه سیله متحسس اولانرك انظار دقتی جلب
ایتسه سزادر .

آبدات مهمه مزدن بولان جامعك اوکندن مرمریه
طوغری امتداد ایدن ساحه ، منظره جه ، هواچه بلده مرك
مناطق مقبوله سندن بریدر . بورادکي مهم آبدلردن بری
تحت الارض برصهرنجدرکه ، دروننده مختلف طرز
معماریده ایشلمش ، ظریف باشقلرنی حاوی یتش قدیستون
واردر . بوراسی ، سیاحینك تهالکله فقط خوف و احتراز
ایله ؟! زیارت ایتدکلری بریرد .

فقط ، مع التأسف امثالی کبی ، بوراسنی ده برطاقم
نادان اللر طور اراقله ، مزخرفات ایله طولیدرمشلارد .
بیک اوچوز اوتوز ایکی تاریخلرنده بوراسنی آثارعقیقه
متخصصلردن و شهرمزده کی بوقیل صهرنجدره دائرهمصور
برده اثر نشر ایدن ، مهندس مکتبی سابق درس ناظری
موسیو استریفوسفکی ایله الیوم خریطه شعبه سی مدیری
تخب بکله زیارت و تدقیق ایتدیکمز زمان مکمل برپلافی
تنظیم قلمش ، ویریلان راپورده بومهم آبدنك اوستنك
بربانچه حالته افراغ و دروننك تطهیرله انظار مدققیته
وضی تکلیف قلمش ایدی . فقط تشبثاتمزدن بر نتیجه
حاصل اولمدی .

بوغازایچی منطقه سی . — بوتون مصوراجنی اثرلرنده ،
تخسرله یاد و تصویر ایدیلن بوغازایچینك بوگونکی منظره
عمومیه سی ، شهر محبتی ایله متحسس اولانلرجه حقیقه
الیدر . افرادلده ، حکومتكده ، درجه درجه مسئولیت

ابدیا فلول ایتش اوله جقدر . زیرا ، کرک بیزانس ، کرک
عثمانی تورکلری تاریخنده بک مهم خاطراتی اولان بور ،
صفحات تاریخیه نك تمرکز ایتدیکی برهمه نقطه در .
باخصوص قرینده کی « کوزل مرمرقله » ده مائل سقوطدر .
خلاصه کلام ؛ موقعاً ، تاریخبک مهم خاطراتی حاوی
اولان وعادتا استانبول تاریخنك مرکز ثقافی تشکیل
ایدن بوموقعك انهدامدن محافظه سی فن ، تاریخ ، صنعت
معماری نقطه نظرندن الزمدر . معلومدرکه ، علمك ،
تاریخنك ، صنعتك استثنالری یوقدر . صنعت ، علم ،
هریرده ، صنعتدر ، علمدر . اوکا خصوصت شعاع
مدیتیرویردن صایلز .

الده کی نظامنامه موجبجه یدی قلهده حرث اعتباریه
آثارعقیقه موزهلری اداذه سنه مربوطدر . موقعك وضعیت
حاضره سی ادامه ایتدیرمکه برابر ، بو تاریخی موقعك
شهرامانتجه اعماری اسبابنه توسل ایتك هیچده غیرموافق
دکلدرد .

محتاج تعمیر اولان یرلرینك ترمیم و تحکیمیه ، بک
واسع اولان حولینك منتظم برحقیقه حالته افراغی ،
استانبوله فردای مواصلترنده ؛ تعمیرمروقیله ، آیاقلرینك
توزیله بورای زیارتشبان اولانلرك عدیدنی تکتشیروتوقیر
ایتك ، مقتضای منفعت اولدقدن باشقه ، بزمده تاریخه
علمه حرمکار اولدینمزی بالوسیه انظار عمومیه ده اراه
واثبات ایده جکدر .

ایوانسرای منطقه سی . — قدیم بیزانس سراینك
مینی اولدینی اگری قوجو اوردنده عوض افندی جامع شریفنك
آلنده وقیله بیزانسك حکومت حبسخانه سی اولان مشهور
(آنماس) Prison d'Anémas حبسخانه سی ایله اسحاق
آنکولوس Isac l'ange قله سی واردر . رسمنده
کورولدیکی اوزره بوزندانك داخلی برطاقم حجرانه ،
تقسیم اولونمشدرکه هیئت عمومیه سی اعتباریه بک زیاده
شایان نظردر .

مختلف زمانلرده بوراسنی دلائله کزهن مکاتب
طلبه سیله رجال اجنبیه عسکریه و سیاسیه یکزبان اوله رق
بوموقع تاریخینك تطهیر و الکتیرقله سنویرله عمومك زیارتی

هله خاطرات لطیفه‌سی دیلرده داستان اولان کاغذخانه‌ک - سعدآبادک - تنظیمی مطلقا لازمدر . اوراده بویوک و مکلف برسرای ، سامعه‌نواز برچاغلان واردر . موقک لطافت طبعیه‌سنه انضمام ایدن بو بدایع صنعیه ، اوراسنی هر درلو اسباب استراحتی جامع بر محل حاله افراغ ایتک ایچون کافیدر . بر اراق دارالایتم اولان والیوم متروک برحاله قالان بوموقع فرحفرانک بخت و طالع ترکی شعارمدنیتله قابل تألیف دکلدرد .

اوقاق برهمنه محتشم بر اول حاله افراغی ، استانبوله سیاحین جلب ایده‌جک اسباب و وسائلک برنجیلرندردر وسائل نقلیه بحریه‌سی هم قولای ، هم اهون اولان بوموقع دلارابی ، صوک عصرلرده اهل ایدیشمز غفو اولنور خطاردن دکلدرد .

کرچه خلغمز ایلک و صوک بهارده بورایه کلوب تنزه ایدیورلر . فقط ، بوتنزه ، انساجه براکلنجه دکلدرد . اسباب استراحت مفقود ، واسطه نقلیه بریه‌سی ایشه داعی کلفت و مزاحم عظیمدر . کره‌ارشد بلکه مثلی نادر بولنان بو سعدآبادک عصری و فقط اخلاق اسباب ذوق و استراحتی تأمین ایده‌جک برشکل و حال مستحسنه وضعی منفعت مادهی اقتضاسندردر . بک اوغلتک متعفن محیطده بولکان هرهانکی برذوق آشنانک ، بوراده بوله‌جی اسباب رفاه و حضور ایچون ، کلفتدن قاچمیجی جتی درکاردر . بناء علیه بورانک حسن تنظیمی امرنده صرف ایدیه‌جک فدا کارلقدن کلی استفاده ، اموالدر . علی الخصوص سیاحین ایچون ... Les Eaux Douce d'Asie نامیه بوتون رهبرله ، مصور اجنی آثار و مؤلفانه کچن بوموقع فرحفرابی زیارت ایتمین بر اجنبی یوقدر .

خلاصه ، بورایه صرف ایدیه‌جک امک و مصرف ، هم تاریخی و بدییی مواقعدن برنی خرابیدن قورناره‌جق ، هم ده بالوسیه استفاده مادهی تأمین و بورایه دایر رسمی قاتالوغل نثری ایشه ، مطلوب استفاده‌ی تصعیف ایده‌جکدر .

معنویه‌لیه علاقه‌دار اولان بو ، بهشت آسا مناطقک اعمار و تزیینه کز یزاده مساعد اولان موقعاری ، بوکون برر کومور ، اودون و طاش ده‌پوسی اولشدرد .

بوسبله ، و قتیله عتقلره حیرت و یرده‌جک فدا کار - لقلرله بابیلان ریختیمارک تخریب و عصرلرک یتشدیردیکی آغاچلر قلع ایدیلرک بابیلان حاله کتیرلمکدهدر . برملکستک قیمتی یالکیز مادیانه ، یعنی افلاک سد چکمش عجیب الشکل بنالره آرتمز . بدایع طبعیه‌سنک بومشله‌ده الک مهم و فیاض عامل اولدیغنی هیچ بروقت اونوتیمال . محافظه آثار عتیقه انجمنکک بدایت تشککنده چوققلده‌کی سلطانیه چاپرینک قرب و جوارینه بر پترول ویا کور ده‌پوسی انشاسی ایچون بر اجنبی شرکت طرفندن وقوع اولان مراجعت ، انجمنک و بردیکی رد جواب محق اولوقتیکی حکومتنک ده تأیید حکم و امرینه مظهر اولمغه ، بوغاز انجمنک الک کوزل و عمومک ترهنه مخصوص اولان و بعض نقای تاریخی‌ی ده محتوی بولنان بوموقع بوصورته تلویشدن و بالتیجه خرابیدن قورناراش ایدی . ینه تکرار ایدیورم ، بر شهرک قیمت معنویه‌سی ، و مناظر لطیفه طبعیه‌سی قورنارمق ایچون بعض مادی منفعتلر اکثریا فدا ایدیلور . عرفان اجتماعیه بزدن ایلریده بولنان مملکتلرده بوحال ، سیاست بلده‌ده ده کیشمز بردستوردردر . بناء علیه ، بوکون بوغاز - انجمنک واقع لطیفه‌سی ، و وسائل نقلیه‌سنک سهولتی اعتباریه اعمار و تزیینه یک مساعد اولان ساحلاری ، بوکونکی ملواندن تخلیص و تطهیر ایتک شهرامانتک اولبولدر پیش ایده‌جکی مسائل عمرانی‌دندرد .

بورالری اکثریتله ، قسماً خالی عن العمران اولدیغندن بورالرنک اعماری یک بویوک کلفته مفتقر دکلدرد . مسیره و تنزه محلاری . — استانبول و جوارنده‌کی سی برلرنی تنظیم ایتکده لازمدر . و قتیله ، استانبول جوارنده‌کی تنزه محلاری ، عادتاً شهرک برر موزه‌سی حکمنده ایدی . اورالرده مواسمک اوقات معینه‌سنده ، جمعیتلر ، درنکار ترتیب ایدیلور . صنوف خلق ، هفته‌نک برکوننده عالمه‌جه کیدر ، اورالرده صاف هوا آلورلردی .

وسائط نقلیه مسئله‌سی

سراجخانه مطلقاً احیایدلمی . — وقیله درجیلک صنعتک بر مشهر نفاست پروری اولان سراجخانه چارشوی فاتح حریقده خاک‌ایله یکسان اوله رق سکانی، اصنافی داغیلدی حال بوکه، نرم ملی صنعتلر مژک‌التمقبولی و ال‌نافی سراجیه صنعتی ایدی . سراج اصنافک بو مملکتک ایضایلدیکی خدمتلر غیرقابل انکاردر . اردویه، حوایج ضروریه، بیتیه لوازم احضار ایدن هب بواصناف ایدی . یابدقاری ایشلر ایسه داخلده اولدینی قدر خارجه دهده بویوک بررغبته مظهر اولمش ایدی . حالا، اوروپا موزه لرینک بعضیلرنده استانبولده، اعمال ایدیلن لوازم سراجیه‌نک کوزل نمونه لرینه آثار باقیه‌سنه تصادف ایدیلور . حریقدن متأثر اوله رق طاغیلان سراجخانه‌نک اسکی برنده، وایمناسب بر محلهده احیاسی مملکتک منفعتی اقتضاسنددر .

برنوعدن اشیا ولوازم اعمال ایدن اصنافک طولبو بریده بولمنی اقتصاداً پک‌زیاده موجب فوائد و محسناندر استانبولی زیارت ایدن سیاحینک قلی چارشوی زیارتلرنده کی فوائد اقتصادی جمله مژک معلوم ومشهودی اولدیغندن، سراجخانه‌نک احیاسی بلکه بوندن زیاده موجب منفعت اوله جقددر .

تورک طرز معماریسندن، داخلی رواقلره مزین بویه برچارشوا یسه شهر مژک آبدات مهمه‌سی میانه کیره جکدر . مملکت مژک، ملت مژک ذوق ملیسنی بووسله ایلده انظار عمومییه عرض ایده جک بر «سراجخانه» نک انشاسی، اسکی ملی بر صنعت مژک احیا و انکشافه خیلی یاردم ایده جکدر . سراجخانه حقدده وقیله شیخ المحررین احمدرام بک یازدیغی، مقالانک دقتله مطالعه‌سنی اعمار قومیسونک فعال اعضای محترمه سنه خاصه توصیه ایدرم .

یکیدن پایله جق اولر حقدده . — استانبولی، اسکی ویکی استانبول اوله رق ایکی آری قسمة آیرانلر بوتقسیمیلرنده خطا ایتمه مشدر . المزده موجود آثار مصوره اجنبیه اسکی استانبولک لطافتجه، ظرافتجه شمدیکنه مرجع اولدینی بیانده محمد اللساندر لر .

اول باول، بوغاز ایچنک وسائط نقلیه اعتباریه بوکون چکمکده اولدینی اضطراری، دوچار اولدینی مشکلاتی دفع و ازاله ایتمک لازمدر . همیز بیلور، وکوریورز که بالخاصه وسائط نقلیه بحریه اجوراتی، بوغاز ایچنده اوطورانلر ایچون تحمل فرسا برابر عظیمدر تدقیقات واقعندن اکلادیمعه کوره، باخصوص سواحل متجاوره واپور اجر تلرینک بزده کی کبی غالیلکی سائر هیچ بریده کورولمه مکدهدر . دیه بیلیم که، بوغاز ایچی خلقنک یکانه واسطه نقلیه‌سی اولان شرکت خیریه اداره‌سی خلقه تسهیلات کوسته میور . بلکه بوکونکی اجورات نقلیه‌نک مقیدارنده اصرار ایتمکده شرکت حقیقدر . فقط هر حالده اوزنده مشکلات چکن، زخم دیده اولان بر خاق وارددر . بونی کیمسه انکار ایده مژ. علی الخصوص اشیات عرفه‌سنده، بر مطرح، بر نسبت عادلده کوره میورز فرضا، اوافق برجیجک صاقیسنندن بش، الی ساقیتمتره تربیعنده برچارچیو مدن، ویا آینه‌دن اون، برقار بوله دن الی، اوئوز اوقه‌لق برچووالدن اوچ، سنهک براچ فدانندن بکرمی بش، بردیکش ما کته‌سندن کلشی کوزل یکرمی، یکرمی بش غروش آلمسندن نه اساس واردر بیلنه مژ ؟ !

بوتون بوحالار ؛ خلقک بوغاز ایچنه رغبتی ایدن اینیه کسرو تسقیص ایلدیکی کبی، مجبور اولوراده اوطورانلر ایچون ده نهایتی کامه‌ین برابر ضرور تدر . استانبول جهتمده ایوم بردوام اولان مسکن بحرانک نتیجه‌سی اوله رق بوغاز ایچنه نقل خانه ایتمک مجبور اولانلرک یکزبان اوله رق شکایت ایتدکلری بوحالک دوامه ارتق مانع اولمی، وعادل حق شناس، بطرف، و فقط هر حالده امور اقتصادییه آشنا ذواتدن مرکب بر هیئت خلقک بوخصوصده کی مطالبی تدقیق و انتاج ایتدی در . بوغاز ایچنک بوکونکی حال خرابیسنه رازده وسائط نقلیه اجوراتنک یوکسکلکی سبب اولمقددر . تجربه، مشاهده بونی کوستریور .

چكمدىكى خالده ، عامە متفكرىنىك متجد الفكر اولدىنى بومسلەدە موجود ايىنە قانونىك تدبيلندە نەدن مشكلات چكسون ؟!

امين اولەلم كە ، بوكون پايلان اولرە صرفايدىلن باردايە خارجا اولسون ذوق سليعى اوقشايەجق برطرز انشانك تطبيققەدە صرفى اقتضايدين بارە استىكارايدىلەجك درجەدە فرقى دكلەر .

هله ، برزماندىرى مودەحكمنى آلان ، وبيلەرك بيلمىەرك اكثر خلقمىزك بنالرنە تطبيق ايىدىكارى (طاش كىمە) تعبير اولنان صوا اصولك ، برطرفدن صيوانك قوۋەمقاومەسى تقيص ايىدىكى ، دىكر جەتدن منظرەجە حاصل ايىدىكى ثقالتى هېچ نظردقە آلمايوز . لطيف رنكى ، على العادة صواايە بو طاش كىمەنك عرض ايىدىكى منظرەلر آردەندەكى فرق پك بارزدر . برى ، نەقدەر كرىە المنظر ايسە ، اوتەكى اوقدر نظر نوازدر . هله ، بنانك جەپەسە ترمىم ايىلن غربى وعجب شىكلەدەكى ترسيات ، منظرە خارجهينك ثقالتى بىستون آرتىريور .

اسلاف ، بوخصوصەدە بزدن زيادە ذوق سليم صاحبي ايشلار . اولوقلر بلديەكې ، شەراماتى كې شەرلرى اعمار تزيين وتنظيم ايلە مكلف اولان دواثر موجود اولمىنى خالده ، ذوق ملىمىزى ، احتياجات مدنیه مزی تطمين ايدەجك اشكالەبنالر وجودە كىترىلى آتالرىمىزك او انشا اتمكەدەكى اصابت فكر ونظرلرى اثبات واراۋە ايدەجك يىناندىر .

خلاصە كلام ، شەرك اعمار و تزيينى دوشونلوركن ، پايله جق بنالرك ، خانەلرك اشكال ومنظر خارجهينى درپش تامل اتمك مقتضيدر . بونكىچون ايىنە قانونى تدبيل ايدىلى ، اورايە بوخصوصى تامين ايدەجك مواد واحكام وضع اولتى ، بويلە اولورسە ، بىدما اولسون پايله جق بنالر ، استانبولمىزك شەرت شععار وشرقت وصف ئيمىرى اولان بر شىكل بديعەدە عرض اندام ايدر . شەرمزدەشمىدىكى غريب وعجيب برخليطە مناظر انشادن

اسكى بنالردە ، على الخصوص مساكن خصوصيەدە وقتيلە تعقيب ايدىلن طرز انشا ، بوكونكى شىكل وھيئە نظراً ، ەرحالەدە دهاظريف ، دهاججى ايدى . هېچ اولمىزسە منظرە خارجهينە جە بردرجەينە قدر يىكنظر براسلوب انشايە رعایت اولنوردى . كىتىش حوللىرى ، واسع وسايە وميوەدار اغاجلى باغچەلرى الكزيادە ساكنلرىنىك حيات وسجىتە خادم ونافع ايدى . حال بوكە ، بوكون طرف طرف انشا ايدىلن اولردە نەمقبول برطرز معمارىيە ، ونەدە شرائط عيىنيى جامع بر تزيينە رعایت ايدىلەكەدەر .

على الخصوص ، بعدالحريق فاتحەدە وجوارندە ، آقمر ايدە ، وقربندە پيدىرني پايلان اولرداخلا وخارجاً شرائط مطلوبە عيىنە ومعمارىيە جامع دكلەر . هله فاتح - سراجخانە جادەسندە انشا ايدىلن اولرەاداتا اسكى زمانلرك محلى جى طابلسە مشابە رنكارنك بويلالە ملون ثقيل المنظر بنالردر . پايدىردىنى بنايە ەركس كىفە كورە بردوزەن ورييور . حال بوكە برشەرك منظرە اعتبارايدەدە برقيمتى اولوق لازمدر .

بونكىچون شەراماتى ، هېچ اولمىزسە ، بويوك جادەلردە انشا ايدىلە جىك خانەلرە ، دكانلرە ذوق ملىمىزى اوقشايەجق معمارىيە مقبول برشکل ومنظرە وىرمى ، وبوكى مبانىك انشاسە رخصت وبرىركن رسم وپلانلرىنى بوذوقە كورە منتظم ترتيب ايتدىرمىلى . امانت ، بروقتلر ، باغچە قوسندە انشا ايدىلن دكان ومغازەلرە ، بعض ايىمىك رسم وپلانلرىنى ، برتجربە قىلىندن ، اولدجە برشکل مرغوبەدە پايدىر مەچە چالشمش وقسمادە موفق اولش ايدى . فقط بزدە اويلەدر ، كوزل قانونلر ، نظاملر ، تعليماتنامەلر پايلور ، فقط چابوق اونوديلور . بزدە فرنكلرك تعبير معروفيلە Poitique suivie يعنى ايشىدە فكر تعقيب بوقدر ، وبردرلو اولەميور .

ببولدە مطالعە مزمە جواباً ، الدەكى ايىنە قانونندە ، بنالرك شىكل خارجهينە دائر احجائى ايچون بر محبوبىت اولمىنى سويلەجكدر . فقط شەراماتى ەرازو ايتدىكى برشى تونيق ايچون قانون ، نظام تنظيمندە ذرە قدر مشكلات

آزاده بیاندر که موفقیت؛ عامه‌نك توجه‌نندن حاصل
اولان بر محصله در. بو توجهی. قازانمق ایسه، حکومتلرک
دساتیر سیاسیه سنک سرنامه‌سنی تشکیل ایدر.

یاد الیمی هنوز حافظه مزده منقوش اولان بر حادشی
ذکر ایله سوزلریمه خاتمه ویرییورم: حرب عمومی
انسانده، علم‌مزه اجرای شر و ملعتن اتمک اوزره،
لوندیه کیدن و اوراده حیات مستعارینه خاتمه چکیلن
روم باطریق، سرکه‌جی شمندوفر استاسیونندن حرکنندن
برآز اول «شهادت» پارمغنی آياصوفیه استقامته توجه
ایده‌رک استانبولک بر «خرستیان مملکتی» اولدیفنی
سولیس و اطرافنده کیلری تقدیس ایدرک ترنه راکب
اولش ایدی.

بو سوزلر، بزم سیاست بلدی مزده دائمی بردستور
حرکت اولملی در. بالتجربه و المشاهده آکلادق که، بزم
بوراده کی حق بقامزی، حیاتی قورناران مختلف
بهانه‌لرله عددلری تنقیص و تحدید چالیشدیغمز و بونی اعمار
بلده فصلنده عادتاً بر موفقیت عدد ایتدیگمز قبه‌لر، مناره‌لر
سیلار، چشمه‌لر، مدرسه‌لردر. بناء علیه، بصیرتکار
مفکوره‌لی بر سیاست بلدی بونلرک احساسی دکل، محافظه
انتظام و معموریتلری ایجاب ایتدی‌رر. حق بقایه استنادده کی
قوت و قدرتک درجه‌سی، آنجق آثار اسلافک قیمت
مادیه و معنویه‌سیله مبسوطاً متناسبدر.

محافظه آثار عتیقه انجمنی اعضاسندن کاتب عمومی

محمد ضیا

قورنولش اولور. خاتمه مقال اوله‌رق شونی ده عرض
ایده‌یم که، بر مهندس کوزی، علی الاکثر، بر شهرچینک
کوروشیله، اندیشه و دویغوسیه کوره‌مز، دوشونه‌مز.
بر مهندس، بک مستعد بر معمار وجدوچلی اولایلیر.
اونلک ایشی، اکثر یا کورولدیکی اوزره ماصه باشنده سواققلرک
استقامتی چیزمک، تنبیت و تقرر را اتمکدر. بر معمارده بدیع‌انک
لوازم و سروریا ته، توفیق معامله ایدر و شهرک تنظیمی ایچون
حتی، تاریخک و ملتک سینه احترامنده صاقلادیغی مناقب
فاخره و خاطرات کزیده‌نک بجله عرفان و مدینتدکی
موقعن، تشبثات و اجرا آئنده پیش امعانه آلهرق،
شهرک اعمار و تربیتی خصوصنده کی مساعیسنده دائماً
موفق اولور. و بو خدمتندن طولانی اخلافک یاد جیلته
استحقاق کسب ایدر. چونکه، اعمار هیچ بر وقته
تخریب و احای آثار اسلاف دکلددر. بعد الحریق یا کلش
و مشوم بر سیاست بلدی‌نک استانبولده کی آثار و ابدات
دینه و ملیه‌مزی نه حاله قویدیفنی آکلامق، و بو الیم
سیاستک نتیجه مشوم‌سی حقنده بر فکر پیدا اتمک ایچون
لاله‌لی صیرتلدن کوچوک لائفیه طوغری مد نظر اتمک
کافیدر. مهندس کوزیله دکل، برآزده تاریخچی، ملت
پرور بر نظر اوکنده بر وضع متظلمانه و مؤلمانه آلان
یوزی متجاوز جامع، مدرسه، چشمه، مکتب،
باخصوص بوملک و ملت مالاً، بدناً، سیفاً خدمت ایدن
مشاهیر امت خطیره‌لرینک انقاص تاروماری، سواققلر
اورته‌سنه آتیلان عظام ریم ارباب حمیتی دلخون ایدن
حالاتنددر.